



SULISITSISUNUT TAMANUT NALUNAARUT: SULINERMI AJUNNGITSORSIAT PILLUGIT.

Ulloq 27-10-2022

Inatsit nutaaq nr. 11. 1. december 2021-meersoq Inatsisartunit akuersissutigineqarpoq tassani **1. Januar 2023 aallarnerfigalugu ajunngitsorsiat aningaasarsiatut B-niik aningaasarsiatut A-ngorlugit** allangortinneqarput.

Skattestyrelsen
Postboks 1605
3900 Nuuk

Tamanna tunngavigalugu sulisitsisut eqqumaffigissavaat, sulinermi ajunngitsorsiat a-ningaasarsiat A-tut (akileraaruserneqartinnagit) qaammatikkaartumik nalunaarutigineqartalissammata.

Tlf. (+299) 34 60 81
Fax (+299) 32 20 42
E-mail: sulinal@nanoq.gl
www.aka.gl

Aammattaaq eqqumaffigineqassaaq ukioq aningaasarsiorfiusoq 2023 aallarnerfigalugu naligitat § 19, imm. 2-4, imm. 2, nr. 1-2, § 19a, imm. 4-6 aamma § 19b, imm. 2, nr.1-3-miittut naleqqussaanermut procentiliussamik iluarsineqassammata.

Akilerartarnermut ingerlatsiviup ukiut tamaasa ukiumut aningaasarsiorfiusumut naligitat atuuttut, ukiup tullianut atuuttussat nalunaarutigisarpai, tamannalu pisarpoq kingusinnerpaamik 10. Oktober taakkulu takuneqarsinnaapput ugguuna [nalunaarutiit 2021-miit atuutilersut \(aka.gl\)](#).

Ajunngitsorsiat makku pineqarput:

Akeqanngitsumik biileqartitaaneq: - § 19, imm. 2 (2023-mut nalingi atuuttut):

Aquserngup annertussusia	Illoqarfik	Ukiumut nalinga
75.000 m2 sinnerlugit	Qaqortoq, Narsaq, Nuuk, Sisimiut, Aasiaat, Ilulissat	71.610 kr.
25.000 m2 – 75.000 m2 akornanni	Nanortalik, Ivittuut, Paamiut, Maniitsoq, Qasigiannugit, Qeqertarsuaq, Uummannaq, Upernavik, Tasiilaq	35.805 kr.
25.000 m2-imiit annikinnerusoq	Kangaatsiaq, Qaanaaq, Ittoqqortoormiit	17.902 kr.

Biilnut sullivittut aqqissukkanut biilinullu immikkut sanaanut allanut § 19, imm. 5 – imm. 2-miit 4-mut taaneqartut nalingat affaannut angissusilerneqassaaq. Biilit pineqartut sulisitsisup allaganngorlugu peqqussuteqarneratigut angerlarsimaffiup suliffiullu akornanniinnaq atorneqartarpata nalingat annertussusiliussat imm. 2-miit 4-mut taaneqartut sisamararterutaannut angissusilerneqassapput.

Akeqanngitsumik ineqartitaaneq - § 19a, imm. 2 (2023-mut nalingi atuuttut) takuuk inatsit, nalingi assigiinngitsuummata.

Akeqanngitsumik inisimaneq - § 19a, imm. 5 (2023-mut nalinga atuuttoq): ukiumoortumik nalinga 17.902 kr.

Akeqanngitsumik nerisaqarneq - § 19a, imm. 6 (2023-mut nalingi atuuttut):

Tamakkiisumik nerisaqarneq	81 kr. ullormut nalinga
Ilaannakortumik marloriarluni nerisaqarneq	60 kr. ullormut nalinga
Ilaannakortumik ataasiarluni nerisaqarneq	46 kr. ullormut nalinga

Akeqanngitsumik internetseqarneq – § 19a, imm. 7 (2023 -mut nalinga atuuttoq): ukiumut 6.000 kr.

Akeqanngitsumik oqarasuaateqarneq – § 19a, imm. 8 (2023 -mut nalinga atuuttoq): ukiumut 6.000 kr.

Akiliunneqarluni angalanerit - § 19 b (2023 -mut nalingi atuuttut): inersimasoq, angalaneq ataaseq 18.086 kr., meeraq 2-imiit 11-nik ukiullit, angalaneq ataaseq 9.043 kr. aammalu meeraq marluk ataallugit ukiulik, angalaneq ataaseq 1.800 kr.

Akeqanngitsumik angallateqarneq – angallatip pisiarinerata nalingata 10%-ia aammalu ukiumut aningaasartuutit, sillimmasiinerit il.il. aamma nalunaarutigineqassapput.

Ilisimatitsissutitut nalunaarutigineqassaaq, nassuiaat sukumiisoq (A1) tamakkiisumik allanngortinneqanngimmat taamaallaalli nalunaarusiornermi ajunngitsorsiat aningaasarsiat A-tut qaammatikkaartumik nalunaarutigineqartalissammata.

Ukiumut akissarsiat allagartaanni ukioq aningaasarsiorfiusoq 2023-miit ajunngitsorsiat immikkut ittumik nalunaarsorneqartarunnaassapput taamaallaalli sulisorisap aningaasarsiai A-t ajunngitsorsianik ilaqarnersut nalunaarutigineqartalissalluni.

Qulaani taaneqartunut apeqqutissaqartoqarpat qinnuigissavassi sulinal@nanoq.gl -imut imaluunniit oqarasuaatikku Sulinal-imut saaffiginequllusi oqarasuaammut uunga +299 346081.

Inussiarnersumik inuulluaqqusilluta

Akilerartarnermut Aqutsisoqarfik